

**Sanglinz Yen:**

**Song Vah Saemjbuengq Guh Ndaej Ndei**

**上林县：法院双语审判出成效**

Ndwen 7 ngoenz 17 hauh, Sanglinz Yen Fazyen haidingz saemjleix gienh saeh gyaudoeng doxceng ndeu. Bouxgauq dwg boux buzgeq ndeu, boudenggauq dwg bouxsai cungnienz ndeu. Cawjsaemj fazgvanh saemjleix aen anq neix yungh Vahgun, Vahcuengh, youq gwnz giekdaej caz cingcuj saehsaed haenx, ginggvaq naihsim diuzgaij, aen anq saeh gyaudoeng doxceng neix ndaej aeu diuzgaij fuengsik gietanq.

Youq mwh ginggvaq saemjleix, diuzgaij aen anq neix, Vahcuengh, Vahgun song cungj vah neix fatok cozyung gig hung, bouxgauq dingq mbouj rox Vahgun, cawjsaemj fazgvanh yungh Vahcuengh gug diuz dawz mizgven faplwd diuzvwnz gvidingh aen anq neix gejhoiz hawj bouxgauq dingq, youq najdoiq boudenggauq mbouj rox

saw geijlai yawj mbouj rox baengzgawq haenx, cix yungh Vahcuengh, Vahgun doengzseiz hoiz okdaej, vanzlij naihsim aeu Vahcuengh gejhoiz, hawj boudenggauq caencingq roxyiuj gij neiyungz baengzgawq.

“Hawj bouxgauq、boudenggauq caencingq dingq rox saemjbuengq, caencingq camgya saemjbuengq haenx, mbouj aenvih gangviah mbouj doengz cix dawz boudangsah laengz youq baihrog fazdingz, mbouj ndaej hawj dingz saemj byaij gvaq ciengz ndwi.” Cawjsaemj fazgvanh naeuz. Yungh Vahgun、Vahcuengh diuzgaij, hawj conzdungj diuzgaij fuengsik miz rengzlix moq, yienh’ok gij suglien h saemjbuengq gi’gyauj caeuq saemjbuengq diuzgaij naengzlig fazgvanh aen yienh neix.

(李君 覃柳莹 韦姗姗)



▲Haidingz yienhciengz.

**Aen Yozvei Myauz Lungzlinz Banh Aenban Son’gyauq Aenvenz Myauzcuz Geiz Daeuz**

**隆林苗学会举办首期苗族芦笙培训班**

Ndwen 7 ngoenz 22 daengz 24 hauh, Aen Yenzgiuvei Myauzyoz Lungzlinz Gak Cuz Swciyen cujiz banh aenban songyauq(yienj boq) aenvenz Myauzcuz guh 3 ngoenz haenx, ca mbouj geijlai 150 boux beixnuengx Myauzcuz daj gak yanghcin daengx yienh daeuj haenx caeuqfaenh son’gyauq.

Ciuq cam rox, aenvenz dwg cungj siengcwngh vwnzva Myauzcuz he, yienj boq aenvenz Myauzcuz dawz swz、dih、foux doxyungz guh itheij, baujlouz le gij

feihdauh yienghnduj、caensaed yisuz vwnzva lizsij Myauzcuz. Dinfwngz guh aenvenz liglaiz cungj youz bouxsae fwngz gaem fwngz son’gyauq, mbouj miz saw geiq celouz roengzdaej, caiqlij gaujcaz yenzgiu、swnjcienz dinfwngz haemq hojnanz. Seizneix canghheiq rox guh sug guh aenvenz gaenq yied daeuj yied noix, swnjcienz dinfwngz ndei giepnoix vunz, miz gij saetcienz yungyiemj, gip aeu cienggouq、baujhoh cungj dinfwngz neix.


(Yangz Dwnghliengz/杨登良)



► Bouxhag doxbang doxbag boq aenvenz.



◀Lauxsae son bouxhag baenzlawz gaem aenvenz.



▲ Doihfugsah bouxguh hong yienhciengz raiz sawmauzbit.

**Cauhbingz: Doihfugsah Guhhong Vwnz-yi Soengq Vwnzva Haeuj Gingjyingz**

**昭平：文艺工作服务队送文化进警营**

Ndwen 7 ngoenz 21 hauh, ciet laebginh “bet it” gaxgonq, Vwnzlenz Cauhbingz Yen cujiz doihfugsah bouxguh hong vwnzyi sijfap、vehveh、ingjsiengq、lijyiz daengj byaij haeuj vujgingj Cunghdui Cauhbingz haiguh ginh minz lienzven, yienhciengz raiz sawmauzbit, cauxguh sawveh, haiguh son’gyauq ciengqgo、raiz sawmauzbit、ingjsiengq、lijyiz daengj, vih guenbing bingdoi h soengq bae ciengz vwnzva ngaizhoengh ndeu.

(Liuz Feih/刘飞 Vangz Vwnz/黄文)